

COVID-19 Qalagjuarnikkut GN-kunnin Nutaamik Tuhagtidjutta

Saptaipa 8, 2020

Hivuliuqtimin nutaamik tuhaqtidjutaa

Ublaakkut. Piqangittuq huli naunaiqhimajunik pinahugijaujunikluunniit COVID-19 qalagjuarnirnik Nunavunmi. Attautimut amigaitilangin inuit munarijaujun ganurinniariakhainnik ublumimun imaa ittun 2,465. 400-ngujun inuit tadsa munarijaunun.

September-nguqtuq, taimaatun amigaittunun uvaptingnun nutaangujutun ikiuq ittutun ittuq. Pivigaujuq aullaaqtiffaarutiptiknik qanuriliuraanginnarutiptiknik ublukhaptikniklu nutaanguqtirlugillu ilangit nakuujun qanuriliurutiptiknik.

Taiguqhimajunga inungnun tuhaumapkaidjutini itqumaniaqpiiaqtuq uvamnun. Uqarhimajuq: “COVID qalagjuarniq irrhimangittuq iliharviptingni. Tahamaniilihangitpat nunallaaptikni taimaatun pidjutikhaittuq iluanungautikkut iliharviptiknun.” Unalu ihumagiqpiiaqtara, taimaatun aullaqtirhuta 2020-21 iliharnikkut ukiumi uvani Qanurinnani 1mi, pidjutiulluangittuq taapkunungainnaq ilihaijinun, iliaqtunun DEA-kunnullu pipkainikkut qajangnainnikkut iliharvingnik. Pitjutilik tamaptingnun. Pidjutilik nunallaaptingnun. Pidjutilik tamaptingnun.

Taimaatun tamapta havaqatigiikta atauttikkut. Atuqta tamapta munaridjutiqarutiptiknik tamaptikunun qajangnainnirun – iliharviptikni, inungnin upakvigijauvingni, aihimaviptikni. Tamainni ubluq tamaallu.

Quana

Nutaatqijaujunun COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



INUK | ENG | IKW | FRE



INUK | ENG | IKW | FRE

Atanilluaq Inungnun Aanniaqtailinikkut Havaktimin nutaanik-ilitturipkaidjuti

Ublaakkut,

Una qaangiqhimajuq havangnainnirmi naunaitkutauijuq nungulliva 14nik ubluni hivitinirmi ukununga 23nun inungnun naunaiqtauhimaut aktuqtauhimajunun pihimanikkut aannialaqutimi COVID 19 qalagjuarnirmik uvani Ottawa Residence Inn-mi (Hiniktarvik). Taimaatun malruuknik-havainirnik hivituniq inirhimalirman, piqangittuq ihumaaluutiginirmik taapkuat inuit pihimaliqtaat qalagjuarnikkut aannialaquti.

Hapkunani qaangiqhimajuni havainirni pimmarigharhimmaaqtugun angummadjutiptiknik uvani nunaptikni ihivriughinirnik. Una Biofire hanaqidjutit Iqalungni tajda aulajuq unalu GeneXpert hanaqidjuti. Taimaalu ihariahungnirmin amigiatqijanik ihivriughinikkut angummadjutikhanik nunaptikni, pimmarighaqtavullu inihainnarutikhat ihivriughinikkut ilitturidjutit. Uumani havainirmi, Aanniaqtailinikkut Havagvik aullaqtiliqtuq hivulliqpaamik havaakhamik atuqhuni charter-himajumik tingmitimik aullautinikkut COVID-19 qalagjuarniq naunaijaqtakhat Qikiqtaani nunallaanin Iqalungnun. Turaangadjutaa pijumanirmin pidjutikhamik pihimalirluni mikhilaaqtirnikkut ihivriughinirnik utirutikhat imaaton tallimanik ublunik ikitqijaujunikuunniit. Pidjutikhaq ilihimaliqqat havaligilunilu, aullaqtirniaqtugun aajjikkiiktumik havagutikhamik Kangiqlinirmi.

Angiklijuummiqtunik nunaptikni ihivriughinikkut angummadjutinik piqaqtunik ikiklijuummiqtunik utiqvikhainnik ublunik ihivriughinikkut naunaitkutainnik, tunidjutiniaqtaatigun ihuatqijaujunik ukunani inungnun aanniaqtailinikkut qanuriliurutikhanik pimmarigharlugillu kiudjutikhaptiknik piqaliqqat amigaittuni aannialaqihimaliqtnik. Kihimi, ihivriughiniq naammadjutaungittuq.

Amigaittun inuit ilihimajun, una Inungnun Aanniaqtailinikut parnaqutikhaq mikhihimapkainikkut qajangnarnirnik COVID-19 qalagjuarnirmi tikidjutaani hiamitirutaanilu nunaptikni pidjutilik qaffini qanuridjutinginni. Ihivriughiniq atauhiinnaujuq ilanga. Timikkut ahiqpaniinnirnik, nakuujun halummarhidjutit imaaton uarnikkut algaptiknik, aihimaluni aanniaqqat taapkunanilu avaiinngarnikkut najurvingni, havaqatigiingnikkut atauttikkut ihivriughinirnik humaagihuiqtaujuukhaungittuqlu.

Ihumagijakhavun taapkuat inungnun aanniaqtailinikkut qanuriliurutit nakuujun taimaanginnaq Nunavunmiut, ilikkuuqtukkut atauttiknullu, malikpakkamigin. Taimailiughimajugun nakuujumik ublumimuin mikhilaaqtihiimanikkut qangnarutunik taimaatun tamapta ihumagiplugu pihimajugun aturnikkut ilaupkainikkullu hapkuninga qanuriliurutinik ubluq tamaat ihuuhiptikni. Tamainni ihumagingitkuptigin hapkuat qanuriliurutikhat, qajangnarniit angiklijuummiqpaktun.

Nutaatqijaujunun COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Taimaatun qajangnarniit pilimaitillugu 0-mik, ilihimajugun hapkuat qanuriliurutikhat nakuudjutiqaliqtun. Nunavut huli COVID-qalagjuarniqangittuq. Takuhimajugun ikiklijuummigtirutinik puvakkut aannialaqidjutinik uumani ukiumi tamaani nunaptikni. Taimaatun piqpialik taimaatun, ilikkut atauttiknullu, pihimmaaqtukhaujugun piluta maliklugin inungnun aanniaqtailinikkut qanuriliurutikhanik hulihimmaaqtukhaujugullu hapumminikkut ilaptiknik nunallaaptikniklu.

Quana

Ilakhannik Nuanvut Kavamanga (GN) akhuurutigijaat munarittiarutikhannik Nunavummiut qajangnautaanut aanniarutip Qalagjuarniq-19, GN-kut Havagviit atuliqtait hapkuat:

Aanniaqtailinikkut Havagvia

Inungnun Aanniaqtailinikkut Amigarnarhidjut

Inungnun Aanniaqtailinikkut Amigarnarhidjuti kinguvaqtitaujuq September 3mi talvunga aturutiliklu talvunga Sept. 17mun.

Avaliingaaqtihiannikkut Amigaitilaangin

Atauttimun (Tamaita Avaliingaaqtihiannikkut Najurviit)	
Aullaqtuq Qanurittumik	Inuit Avaliingaaqtun talvani Sept. 7mi
Aanniarnikkut	345
Inuit Inmikkuuqtun	335
Atauttimun	680

Aullarhimajun utiqutun naunaijautaa:

Aullarvia Ublua	Amigaitilaangit Aullaqtun Avaliingaarvingnin
07-Sep	54
08-Sep	66
09-Sep	65

Nutaatqijaujunun COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Ihariagijauqpiagtuni Havaktini Tukhirutin

Talvannga Sept. 7min, pilik 5244 tukhirutinik, 2604ngujun ihariagijauqpiagtuni havaktini tukhirutinik.

Tukhirutikkut Qanurittun	#	%
Angiqtaujut (ilaujun ihariagijauqpiagtun ihariagijauqpiangittullu)	3782	72.1%
Qin'ngijaujun	246	4.7%
Ihumaliuqtaujuun huli	79	1.5%
Aullauvilluarvigijainni Nunat Angiqtaujuun	1137	21.7%
Atauttimun	5244	100%

Nunalingni Kavatkunillu Pivikhaqautikkut Havagvia

Tukhirutit nunamungaujaami nappaqtirinikkut pidjutilingnik havaktakhanik aullaariamiluunniit nunami ukununga nappaqtirinikkut pidjutilingnik havaktakhanik tujuqtauttaagtun qaritaujakkuurutikkut titiqqidjutikkut uumunga CPHOconstructionrequests@gov.nu.ca

Nappaqtirinikkut havatiit inirhimajun avaliingarnikkut ublumimun: 1283

Nunavunmiutat aanniaqtailidjutait atauttikkut munaridjutigijavun! Itqaumaluhi: uarlugin algatin qaangillu hunani, inungnin ahiqpaniitpaklutit, tuhaalugin uqaudjutait aanniaqtailinikkut havaktinit, aihimalutillu aanniaruvin.

Nutaatqijaujunun COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)